

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1-04-675-1/22
Tuzla, 28.01.2022. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1/05, 11/06, 13/11 i 15/17), a u vezi sa Zaključkom broj: 02/1-33-4331/21 od 09.03.2021. godine, Vlada Tuzlanskog kantona na sjednici održanoj dana 28.01.2022. godine, d o n o s i

Z A K L J U Č A K

Usvaja se Naredba Kriznog štaba Ministarstva zdravstva Tuzlanskog kantona predložena na sjednici održanoj dana 26.01.2022. godine, kako slijedi:

1. Dopušteno je okupljanje ljudi na određenom prostoru pod sljedećim uvjetima:
 - ne više od 30 ljudi u zatvorenom prostoru,
 - ne više od 100 ljudi na otvorenom prostoru.Sva okupljanja unutar navedenih ograničenja moraju se odvijati u prostoru koji omogućava obavezni fizičku distancu od najmanje 2 metra između osoba.
2. U skladu sa Naredbom Kriznog štaba Ministarstva zdravstva F BiH dozvoljava se organiziranje i većih okupljanja pod uvjetom da veličina prostora omogućava provedbu higijensko-epidemioloških mjera i to:
 - ne više od 60 osoba u zatvorenom,
 - ne više od 200 ljudi na otvorenom,uz uvjet da svi sudionici skupa imaju:
 - negativan antigenski ili PCR test, izdan od registrovane ustanove ili laboratorije, starosti u skladu sa Naredbama Kriznog štaba F BiH, ili
 - potvrdu o prebolovanom COVID-19 starosti u skladu sa Naredbama Kriznog štaba F BiH, ili
 - potvrdu o završenom cijepljenju.Za provođenje epidemioloških mjera i organizaciju skupa je odgovoran organizator skupa. Organizator skupa iz ove tačke dužan je prethodno pribaviti saglasnost od Kriznog štaba ministarstva zdravstva.
3. Dozvoljava se radno vrijeme za sve ugostiteljske i druge objekte u skladu sa propisima jedinica lokalne samouprave o radnom vremenu.
Nakon 20.00 sati isti su dužni obezbijediti da svi gosti u objektu moraju posjedovati jedno od sljedećeg:
 - negativan antigenski ili PCR test, izdan od registrovane ustanove ili laboratorije, starosti u skladu sa Naredbama Kriznog štaba F BiH ili
 - potvrdu o prebolovanom Covid-19, starosti u skladu sa Naredbama Kriznog štaba F BiH ili
 - potvrdu o završenom cijepljenju.U periodu do 20.00 h objekti su dužni da se pridržavaju odredbi tačaka 1. i 2. Naredbe.
Neophodno je da navedeni uslovi ulaska i boravka u objektima, budu istaknuti na vidno mjesto na ulazu u objekat.

4. Za nadzor nad provođenjem tačke 3. zadužuje se Uprava policije Tuzlanskog kantona.
5. U veletrgovinama i supermarketima se ograničava broj kupaca prema sljedećim kriterijima:
 - definiše se prostor od 10m² prodajnog objekta po potrošaču,
 - bez obzira na veličinu prostora prodajnog objekta, nije dozvoljen boravak više od 400 potrošača.
6. Od svih poslovnih subjekata, koji tokom realizacije svojih aktivnosti podrazumjevaju istovremeni boravak većeg broja osoba u zatvorenom prostoru (tržni centri, trgovine, kina, prostorije javnih institucija, restorani, drugi ugostiteljski objekti, itd.) traži se prisustvo Covid redara na ulazu u objekte, koji bi vršili kontrolu sprovođenja važećih naredbi i preporuka.
7. Od Kantonalne uprave za inspekcijske poslove Tuzlanskog kantona, nadležnih gradskih/općinskih inspekcija i Uprave policije Tuzlanskog kantona traži se da, u skladu sa svojim nadležnostima, vrše pojačan nadzor u smislu kontrole poštovanja važećih epidemioloških mjera i donesenih naredbi.
8. Traži se od Ministarstva obrazovanja i nauke da, u svijetlu početka nastave u drugom polugodištu, obezbijedi striktno poštivanje svih preporučenih mjera u svim obrazovnim ustanovama na području Tuzlanskog kantona, te da ukoliko dođe do pogoršanja epidemiološke situacije u pojedinim ustanovama, u saradnji sa menadžmentom ustanove, na osnovu zajedničke procjene, a u suradnji sa nadležnom higijensko- epidemiološkom službom, donese odluku o vraćanju na online model nastave u nekom odjeljenju, razredu, ili kompletnoj obrazovnoj ustanovi.
9. Zabranjuje se organizacija svih vrsta izleta i ekskurzija u školama i fakultetima.
10. Zabranjuje se prisustvo roditelja/staratelja unutar svih predškolskih ustanova na području Tuzlanskog kantona. Obavezna je trijaža djece pri ulazu u iste u smislu postojanja simptoma oboljenja.
11. Traži se od svih zdravstvenih ustanova primarnog nivoa zdravstvene zaštite da ne vrše upućivanje covid pozitivnih pacijenata na konsultativno specijalističke preglede u UKC Tuzla, osim kod hitnih i životno ugrožavajućih stanja.
12. Traži se od Zavoda za javno zdravstvo Tuzlanskog kantona da, u skladu sa najnovijim preporukama Kriznog štaba F BiH koje se tiču dužine trajanja izolacije, sačini i domovima zdravlja dostavi uputstvo o postupanju kod covid pozitivnih pacijenata i bliskih kontakata, što će obezbijediti unisono postupanje na području Tuzlanskog kantona.
13. Usvajaju se naredbe i preporuke Kriznog štaba Federalnog ministarstva zdravstva koje će biti na snazi u periodu važenja ove Naredbe, osim onih odredbi koje su obuhvaćene ovom Naredbom, te važe za područje Tuzlanskog kantona.
14. Ova Naredba se primjenjuje od 29.01.2022. godine, a važi do 11.02.2022. godine, osim u slučaju značajnog pogoršanja higijensko - epidemiološke situacije na području Tuzlanskog kantona ili u slučaju donošenja drugačijih naredbi od strane Kriznog štaba Federalnog Ministarstva zdravstva.

15. Zadužuje se Ministarstvo zdravstva da ovaj Zaključak dostavi na uvid i dalje postupanje svim dole navedenim organima i institucijama.

DOSTAVITI:

1 x Gradovima/Općinama na području TK

1 x KUIP TK

1 x MUP TK

1 x Upravi policije TK

1 x JZU/PZU na području TK – sve

1 x Svim ministarstvima

1 x ZZO TK i ZZJZ TK

1 x Pedagoškom zavodu

1 x Svim obrazovnim ustanovama-Putem Ministarstva obrazovanja i nauke

1 x Sredstvima informisanja

1 x a/a



PREMIJER KANTONA

Kadrija Hodžić